



7- قوانين كيرشوف

الموضوع ببساطة ان العالم كيرشوف حظ قانونين :

القانون الأول لكيرشوف " خاص بالتيار "

مجموع التيارات الكهربائية الداخلة في نقطة ما تساوى مجموع التيارات الخارجة منها

$$I_1 = I_2 + I_3 + I_4 + \dots$$

بمعنى

طيب بلا نفهم

لما بتفصل فيشة التليفزيون ليه مش بيفضل شغال؟

عارف ده معناه ايه ؟؟

ده معناه ان الموصل مش بيشحن هو بس مجرد حاجة بتنقل الكهرباء من المصدر للجهاز

طب المعنى العلمى ايه ؟؟

المعنى العلمى هو **قانون كيرشوف الأول** بحيث ان التيار اللى داخل بيساوى التيار اللى خارج.

لو قيمت الكلام اللى فوق ده أقدر أقولك انك كدة فهمت قانون كيرشوف الأول.

طب هل القانون ده ليه تعريف تانى غير اللى فوق ده ؟؟

أقولك لا بس الكتاب بيجور .. تعالى أقولك ازاي

$$I_1 - I_2 - I_3 - I_4 = 0$$

المعادلة دي اسمها "المجموع الجبرى"

$$\sum I = 0$$

الصيغة الرياضية

يعنى احنا ممكن نستخدم كلمة "مجموع جبرى" دي فى تعريف جديد


فهتقول ان

القانون الأول لكيرشوف :

المجموع الجبرى للتيارات المتجمعة حول نقطة تساوى صفر

آخر معلومة عن القانون ده :

بعد قانون كيرشوف الأول تطبيقا لقانون بقاء الشحنة






القانون الثانى لكيرشوف " خاص بالجهد "

بص بقى القانون الثانى هو اللى بيبقى عليه شغل فى المسائل

طب ايه هو ؟؟



ينفع اديك دايرة كلها مقاومات و مفيهاش بطارية و أقولك المقاومة دي بتستهلك 4 فولت و دي 6 فولت و ر و ؟ هيتهلكوا منين يعنى؟

ماهو لازم يكون فيه مصدر جهد على اساسه كل مقاومة بتستهلك جزء من جهد المصدر ده

الرسة اللى قدامك دي غلط طبعا ، و لازم انت تستنتج ان اكيبيد اكيد فيه بطارية قيمتها 30 فولت (او مجموعة بطاريات مجموعهم على بعض بيساوي 30V) اللى جهدهم اتوزع على المقاومات دي

$$\sum V_B = \sum IR$$

و بناء عليه :

و دي الصيغة الرياضية لقانون كيرشوف الثانى

ومنها ..

قانون كيرشوف الثانى :

المجموع الجبرى للقوى الدافعة الكهربائية فى دائرة مغلقة يساوى المجموع الجبرى لفروق الجهد فى الدائرة

يعد القانون الثانى لكيرشوف تطبيقا لقانون بقاء الطاقة

لا تحجل من أخطائك فأنت بشر ، و لكن إحتل إذا كرتها و ادعيت أنها من فعل القدر




المهم بقى ... عثمان تحل مسألة كيرشوف لازم تتبع عدة خطوات بالترتيب

1. طبق قانون كيرشوف الأول عند اي نقطة (نقطة يكون حصل عندها تجميع او توزيع للتيار) .

2. تقسيم الدائرة الكهربائية إلى حلقات مغلقة ومنفصلة.
3. فرض اتجاه التيار فى هذه الحلقة " لك مطلق الحرية فى فرض اتجاه التيار ولكن بعد فرض الاتجاه تلتزم بالآتى " :-

قاعدة الاشارات


أ. إذا فرضت اتجاه تيار البطارية من السالب للموجب فتعوض عن الـ V_B بالموجب



لو بصيت على السهم الموجود جوه دائرة متلاقية جاي من يمينك لشمالك
يعنى من القطب السالب (على يمينك) للقطب الموجب (على شمالك)
اللى تنتهى بيه عوض بيه

فبتعوض هنا عن الـ V_B بالموجب

ب. إذا فرضت اتجاه تيار البطارية من الموجب للسالب فتعوض عن الـ V_B بالسالب



لو بصيت على السهم الموجود جوه دائرة متلاقية جاي من شمالك ليمينك
يعنى من القطب الموجب (على شمالك) للقطب السالب (على يمينك)
اللى تنتهى بيه عوض بيه

فبتعوض هنا عن الـ V_B بالسالب

تتابع الخطوات :

4. هتبدأ تشوف كل المقاومات الموجودة فى الحلقة اللى انت شغال فيها وتشوف التيار

اللى دخل فيها ايه يعنى مثلا I_1 ولا I_2 ولا I_3


وتعوض بـ IR فى الطرف التانى من القانون

لكن منحنى IR بالموجب ولا بالسالب ؟؟

قلك فيه قاعدة بتقول :-

إذا كان اتجاه تيار البطارية اللى انت فرضته هو نفس اتجاه التيار الداخلى فى المقاومة إذن تعوض عن IR بالموجب

- لما بتيجي تعوض عن IR بتبدأ تقارن الأسهم ببعضها




زي مانت شايف كدة التيارين فى نفس الاتجاه فبتعوض بالموجب



إذا كان اتجاه تيار البطارية اللي انت فرضته فى عكس اتجاه التيار الداخلى فى المقاومة إذن هنعوض عن IR بالمسالب

- برضو هنا بتقارن الأسهم



هتلاقىهم عكس بعض فهنعوض بالمسالب

بعوض فيبين يا مستر متجننيسيش

القانون اللي لازم يبقى محفوظ فى دماغك عشان نعوض فيه أهو :

$$V_{B_1} \pm V_{B_2} \pm \dots = I_1 R_1 \pm I_2 R_2 \pm \dots$$

طبعا انت عارف ليه حظيت \pm ؟

عشان على حسب قاعدة الاشارات اللي فوق دي بتحدد هنعوض بموجب ولا سالب .

فكرة مسائل كيرشوف كلها هي انك بتجيب عدد من المعادلات يساوى عدد المجاهيل اللي عندك وانك اول ما تشوف مسائل كيرشوف تبدأ تفكر ازاى تطع قانون كيرشوف الاول وتعمل منه معادلة وعشان تطع قانون كيرشوف الاول لازم تشوف نقطة دخل فيها تيار وبعدين اتوزع وبكدة يبقى الفصل الاول خلص شرح باقى التطبيق عليه فقط.

مثال :

فى الدائرة المعقبة اوجد قيم تيارات الفروع

الحل

عايز منك (I_1, I_2, I_3)

يعنى 3 مجاهيل ، يبقى انت محتاج 3 معادلات


المعادلة الأولى :

- **بتطبيق قانون كيرشوف الاول عند النقطة e**

من الواضح ان I_2 اتجمعت مع I_3 و نتج عندنا I_1

- واحد يقولى طب يا مستر ما نطبق القانون عند نقطة b ، اصل واضح ان ال I_1 اتوزعت

عندها I_2 (تحت) و I_3 (يمين)



الفيزياء بالعامية

الفصل الأول : التيار الكهربائي و قانون أوم و قانون كيرشوف



أفوله طب و ايه بعني ما هي نفس النتيجة برضو و هنتلع بمعادلة واحدة ف الآخر و هي :

$$I_1 = I_2 + I_3$$


هنحول المعادلة دي لـ "مجموع جبري" عشان نعرف نحطها على الآلة الحاسبة بسهولة.

$$I_1 - I_2 + I_3 = 0 \quad (1)$$

المعادلة الثانية :

- بتطبيق قانون كيرشوف الثاني على المسار المغلق (cbedc)

زي ماتت شاييف فرضت اتجاه تيار البطارية و هروح أعوض في القانون "اللي قولتلك لازم يبقى محفوظ في دماغك"



$$V_{B_1} \pm V_{B_2} \pm \dots = I_1 R_1 \pm I_2 R_2 \pm \dots$$

$$50 - 10 = 2 I_1 + 5 I_1 + 12 I_2$$

تعالى اشركك :

البطارية 50 انحطت بالموجب ليه ؟

لو بصيت على اتجاه السهم اللي مفروض جوة الحلقة هتلاقيه طالع من تحت (السالب) لفوق (الموجب) انتهيت بايه ؟

انتهيت بالموجب ، يبقى تعوض بيه.

طب البطارية 10 ليه انحطت بالسالب ؟ جاوب انت بقي ☺

بالنسبة للمقاومات اللي انحطت جودها كله بالموجب دي ليه بقى ؟

اولا المقاومة 2 أوم (اللي دخل فيها I1) لو قارنت اتجاه السهم اللي داخلها مع اتجاه التيار اللي انت فرضته جوة الحلقة هتلاقيهم في نفس الاتجاه و ده سبب اني حطيتهم بالموجب .

طبق ده بقى على ال 5 أوم و ال 12 أوم .

تعالى بقى نرجع للمعادلة اللي لسه مطلقينها و نعدل شكلها شوية .

$$50 - 10 = 2 I_1 + 5 I_1 + 12 I_2$$

$$40 = 7 I_1 + 12 I_2 + 0 I_3 \quad (2)$$

- حطيت 0 I3 عشان متنساش الخانة بتاعتها على الآلة الحاسبة



المعادلة الثالثة :


- بتطبيق قانون كيرشوف الثانى على المسار المغلق (bafeb)

بلا نعوض فى المعادلة بناعتنا ..

$$0I_1 + 12I_2 - 4I_3 = 0 \quad (3)$$

يا ترى فاهم ليه حظيت البطارية بصفر؟
عشان الحلقة دي مفيهاش بطارية أصلاً.
طب فاهم ليه الاشارات كده؟

مش محتاجة شرح للمرة الثالثة بقى 😊



كده عملنا ال 3 معادلات و ناقص نحطيم على الآلة الحاسبة
طب ازاللى؟

مبدئياً أي آلة حاسبة **CASIO** نتحل المعادلات دي (ما عدا اللي مكتوب عليها $fx - 82$)

خطوات كتابة المعادلات على الآلة :

1. دوس **MODE**

2. اختار **EQN**

3. دوس رقم **2** (أيما كان نوع الآلة)

4. لازم نرّص المعادلات (بالترتيب) فوق بعضها بالشكل ده:

$$I_1 - I_2 + I_3 = 0 \quad (1)$$

$$7I_1 + 12I_2 + 0I_3 = 40 \quad (2)$$

$$0I_1 + 12I_2 - 4I_3 = 0 \quad (3)$$

و تبدأ تشوف المعاملات اللي قدام كل مجهول (على شماله)

اللي مش مكتوب جنبه حاجة طبيعي انت فاهم انك هتكتب |

كل ما تدخل رقم دوس **=** عشان ينقل على الخانة اللي بعدها.

و بعد ما تكتب كل المعادلات دوس **=** مرتين.

هتلاقى على سبيل المثال اللي فرق ده مطلعك :

$$X = 4$$

$$Y = 1$$

$$Z = 3$$

أول مجهول دخلته على الآلة (I_1)

ثانى مجهول دخلته على الآلة (I_2)

ثالث مجهول دخلته على الآلة (I_3)

